

繪  
事  
瑣  
言

繪事瑣言卷六

吳江迺朗已川著

畫室

欲作畫先作室晉人云畫須從容自得適意時  
對明窗淨几高明不俗之友方能寫出胷中一  
點灑落不羈之妙故室南向爲主南北皆設窗  
南窗可常開北窗可常關取其明不取其涼也  
窗作左右開闔者檻不可高高則遮亮率與畫

几平或作上下兩扇天晴則俱開有風則畱下  
扇以作障窗櫺必疎稍密則暗也宜用大方格  
眼以便冬日常閉窗紙必薄稍厚亦暗也宜用  
薄綿紙黏之取其密不通風片塵不到明晰有  
光也三冬日行南陸光滿窗中自得煖意不至  
滴水成凍於畫更宜護窗用蘆席四邊夾以竹  
片每逢陰雨縣于窗外可免打破紙窗之慮所  
忌者院中東西牆峻日已出而旭光未到日方

斜而昏昧先形操筆者於此恒悶悶焉於是廓  
其庭院亞其牆垣朝迎朝陽夕送夕陽化日舒  
長虛室生白豆人寸馬纖微可辨咫尺千里毫  
髮無遺誠足以暢懷抱而抒清興也至于秋冬  
門戶宜亟布幕春夏門窗宜掛竹簾每日清晨  
洞開窗戶鈎起簾幙掃除一過雖本潔淨亦勿  
暫輟所以除溼氣故氣也夏日掃地後必驅盡  
蒼蠅然後下簾至于高樓四面窗開最爲爽快

且能杜濕于作畫宜于藏畫更宜咎顧駿之構  
層樓以爲畫所風雨炎燠之時故不操筆天和  
氣爽之日方乃染毫登樓去梯妻子罕見故宋  
大明中天下莫敢競也米元章有海岱樓坐見  
江山日夕臥起其中以領煙雲出沒沙水映帶  
之趣故書繪二事曰臻其妙或難曰學畫而必  
築室將一畝之宮環堵之室俱未可學畫歟曰  
不然古之畫師解衣磅礴真得畫家三昧須有

顯厥之地養得胷中寬快意思悅適則人之笑  
啼情狀物之尖斜偃蹇自然布列于心中不覺  
見之于筆下否則志氣鬱塞局在一曲何能摹  
寫物情攄發人思哉故首及精舍特設言潔淨  
之地耳若夫華門圭竇夜穿鄰壁之光土坑蘆  
簾朝蕤西山之石興來點筆到處鋪箋又何必  
拘拘于明窗淨几之求以致因噎而廢食也哉

## 承塵

畫著色時苟有埃塵飄落非損畫卽損色此承塵所由用也釋名曰承塵施於上以承塵土也畫室中每過一歲夏有蛛絲網冬有爐炭灰以及掃地埃塵隨氣而上偶經風動飄落不已皆於顏色有損故北方頂篷用紙黏滿者尙少塵土若頂篷用席者卽有漏下之塵南方俱用漫氈亦多梁塵則承塵不可不設也支僧載外國

事曰斯訶條國有大富長者條三彌與佛作金箔承塵一佛作兩重承塵楚辭曰經堂入奧朱塵筵注云塵承塵也上則有朱畫承塵下則有簾筵好席可以休息畫家所用何必金箔何必朱畫宜以藍布爲之或用白布但取遮塵焉用華節約隔月餘取出撲淨再上可免塵土之患他如大風乍起塵入室以飛揚鼠跡有痕凝芳塵于几席只用雞毛帚時時担之塵自去矣



## 畫几

鋪箋作畫必取其平又取其寬上下可見天地左右可置畫具若作室然必先度其基而後堂構與明窗淨几古人所尙故畫几不可不合度也大匹紙長一丈二尺廣四尺畫几之長廣卽以此爲度可以鋪大紙可以作大畫其下具抽替三層深五六寸橫闊者可藏畫軸狹小者可藏畫具冬日可藏手鑪於內使几上有煖意夏

日可藏冰盃于中使几上有凉气其兩面之左  
偏及橫頭皆須空出坐處勿致礙膝作几之木  
世稱檀木瘿木爲佳但質堅不能收溼梅天陰  
雨往往蒸潤如礎惟香楠香樟則無此弊若以  
漆微揩之其弊仍不免矣有黑漆退光者杜少  
陵詩所謂拂拭烏皮几是也口鼻呼吸几面生  
水著手有跡黏紙污絹不適於用推之大理石  
肇慶石作几面亦有气水之病總不若楠樟爲

妙冬月氈片鋪几著腕不冷夏日艸席藤席頗  
覺清涼然攤紙于上筆浮不實翻露席痕不如  
以紙襯之或黏紙一層更爲熨貼至于位置之  
處亦有一定禮記曰君子居恒當戶謂向明而  
坐也凡設畫几似以向南偏著東壁爲當然又  
不如設几向西取其寫字作畫手迎天光此亦  
隨乎人事之便位置攸宜非必泥古且向南太  
明易損目光又不可不慎也畫几之外有天然

几香几筆桌八仙桌乃係家常所有可以安畫  
軸畫具堆紙鋪絹隨乎人之自爲布置不必另  
造厥式下此又有藤穿木榻可以坐可以暫存  
紙絹冊軸亦各因乎常用之器不必如畫几之  
自撰一式也

## 厨

晉顧愷之嘗以一厨畫糊題其前寄桓元元發厨後竊取畫而緘閉如舊以還之給云未開愷之直云妙畫通靈變化而去亦猶人之登仙了無怪色是厨固藏畫之器也高者八九尺低者五六尺分上中下三層大厨橫廣五六尺可藏大軸小厨橫廣三尺可藏小軸上中兩層各設抽替以藏冊頁手卷若非樟木制成須用紙包

樟腦分置四角以辟蠹隔半月燒芸香一熏百  
虫遇香氣卽化也隔一二月天晴風燥取出掛  
壁以去溼氣葢終歲不動則潮萌虫繭幾成安  
樂之窩不時舒展則魚走螳銷自絕久畱之蠹  
惟梅天陰雨不可開視防受溼也凡畫旣裝潢  
必制布囊勿太狹亦勿太寬隨畫之尺寸爲準  
表以藍布裏以素綾縫厥兩頭橫長開口如衣  
之有襟多綴小帶以繫之然後入厨一者虫不

剝膚二者動無磨損又各黏籤標題以便尋閱再囊之外有匣短長隨畫方者居多上用抽蓋仍有籤題手卷亦如之冊頁則錦匣亦可此皆可藏于厨者也厨之外有匱曩在京師有贈畫匱二高可四尺橫可七尺廣二尺餘中分五層外有門可鎖亦可移下底有方架架有圓穴穿繩以便人扛制甚精也收藏家可倣而造之匱之外有箱今人多用畫箱矣長短不齊小大不

一倣匱匣之式其蓋從上蓋下底與蓋各置橫木二條兩頭長出寸許以便繩縛如夾書之板亦可用也總之藏書之器甚多惟以樟木爲貴樟腦之氣可以殺虫樟木厨匱虫亦不生蠹魚不入安置之處最宜高燥北方溼氣尙少南方地卑雨多潛滋暗腐磨滅名人真蹟不少豈不可惜厨有四足懸空通氣匱與箱非另置架上則著土有溼意者設于岑樓之中排于高閣之



上芸術時熏狸貓多蓄不慮天陰不愁地潤不  
致虫鼠之傷不遭黴變之毒位置得宜舒卷因  
時則又存乎其人

## 文匱

有合筆墨硯及五色畫碟聚于一器而又可攜以遠行者莫便于文匱矣其制高者不過一尺低不過八寸寬不過六七寸深不過尺一二寸宜小不宜大太大恐難于攜帶也上有抽替二層稍淺可以安筆下有抽替二層稍深可以安畫碟中有小抽替二深抽替一可置顏色膠礬刀印之屬前有門可以鎖閉上有梁可以提攜

此常式也行路必各種包固乃免磨裂之患或于下層抽替內以木爲格將碟子鑲嵌于中更妙其木以枏爲上紫檀花梨次之胡桃樹根及老榆瘿木祇可南方用之若北方風高氣燥易于裂縫且直者彎曲平者拗埥竟成無用之器蓋不特橘不踰淮鸛鵒不踰濟地氣使然也四角用銅皮包取其固不必定用白銅也外縫藍布爲衣或夾或棉門若坐簾多用細銅鈕鈕之

取其護蔽不必更用綾羅也若行路必用羊毛  
氍及驢毛毯裹而束之乃并其布而不磨壞矣  
他若文奩衆物皆備無益于畫枕箱雖甚簡便  
不能分藏諸品將焉用之故弗具載

# 幃

古今畫絹必上膠礬欲上膠礬必先上幃幃所以撐絹使平不致見水而皺也其制不過橫木三條豎木二條豈有他謬巧哉豎木長不過一丈短不過四尺橫木寬不過四尺狹不過二尺其短長濶狹伸縮之故則存乎箏頭之活動而已其木寬一二寸厚一寸於一寸中鑿五分之雌箏橫木削四分雄箏兩頭各長五六寸雌雄

相合視絹之寬窄爲度卽于豎木橫木門筭處鑽通爲穴用竹釘釘之勿使搖動然後黏絹上礬絹邊三面黏定木上一面線穿纏于橫木以俟絹拽平然後收緊縛定故橫木豎木上必多鑽孔穴以便穿繩插釘此其大畧也若夫絹有長短不合檐處不能裁絹以就檐卽當造檐以就絹亦變通之一法其所宜之木杉爲上枅次之其餘堅滑之材皆無取焉

# 尺

畫家所用之尺有二一量分寸之尺一引界筆之尺量分寸者若何絹有尺寸紙亦有尺寸大而屏幃小而聯對冊頁橫卷有尺然後知長短顏潛庵詩云畫成分寸應爲法不失毫釐立定規尺之爲用大矣哉漢志度者起黃鍾之長一爲一分十分爲寸十寸爲尺十尺爲丈十丈爲引而五度審矣是度爲尺寸之統而尺乃度之

分也惟是古今尺不同金石契載孔尙任漢銅尺記云江都閔義行博雅好古所藏銅尺一朱碧繡錯爲賞鑒家所玩余旣得之乃不敢以玩物視焉古者黃鐘律度彊晦冕服圭璧尊彝之屬皆取裁于尺而周尺爲準自王制不講鄉遂都鄙之間各從其俗于是布帛營造等尺代異區分遺法蕩然況禮樂之大者乎此尺有文曰慮僬音盧銅尺建初六年八月十五日造慮僬



乃太原邑建初則東漢章帝年號也考章帝時

冷道舜祠下得玉律以爲尺與周尺同因鑄爲

銅尺頒郡國謂之漢官尺此或其遺歟按晉書漢章帝

時零陵文學史奚景於冷道舜祠下得玉律度

以爲尺相傳謂之漢官尺未聞有鑄銅爲尺之

說其曰鑄銅乃孔氏卽因慮僂下有銅尺二字

而云然耳又隋志載十五等尺漢官尺與晉始

平銅尺居第四等視周尺爲尺三分七豪今慮

僂尺旣與周尺等則長短不同何得謂之漢官

尺卽漢代去周未遠且禮經皆出漢儒漢尺之存

卽周尺之存也聞之先王制法近取諸身遠取

諸物然後尺寸之度起何休曰側手爲膚按指知寸布手知尺此則尺之取諸身者也志謂一黍之廣爲分十分爲寸十寸爲尺此則尺之取諸物者也指有長短黍有巨細每不相符漢儒因有指黍二尺之辯按此段大槩刺取宋祥道之言而以爲漢儒有指黍二尺之辯則誤也宋聶崇義被命檢討禮書及禮器圖因準前代制度造指黍二尺以進凡冠冕尊彝用木之類用黍尺圭璧琮璜用玉之屬用指尺請下少府監制爲定式時人頗議其非是宋以前并未有指尺黍尺之目故隋唐而上諸言尺者亦並未之及不知東塘何從得漢儒

辯來至側手爲膚按指爲寸實何休注公此尺  
半語而布指知寸布手知尺則家語之文此尺  
取指取黍固不能定今以中指中節量之適當  
一寸無毫髮差及累黍試之正足一百何指與  
黍之偶符若此邪廣一寸厚五分重抵廣法十  
八兩歸之闕里凡造禮樂器皆準之準周尺也  
盛百二柚堂筆談孔東塘先生湖海集有銅尺  
記余就摹本以歷下衣工尺較之爲六寸八分  
弱以木工尺較之爲七寸二分白帖曰晉荀勗

校八音不和始知後漢至魏尺長于古尺四分有餘乃依周禮制尺更鑄銅律呂調聲韻以尺量古器與本銘尺寸無差時人服其精密唯阮咸作其聲高後掘得古尺果長于勗尺四分由是觀之周尺漢尺長短自古不同衣工木工尺寸至今不協然古尺已莫可攷今人所用多以衣工之尺爲斷畫家亦不必用古尺也用今尺而已亦不必用紅牙金粟之美也用紅木紫檀

銅星而已不過約計紙絹之短長非此造禮樂之器也既有木尺又當裁紙若尺以墨點分寸便于鋪平作界畫也引界筆之尺若何畫有界畫一科由準氏歐陽通所必備也其木以枳爲上杉次之黃楊又次之紫檀象牙非不美也然質堅而滑槩不適用水晶白玉更重而滑矣滑則手按不定界線易走徒飾外觀之美無益引繩之實其制薄不過三分寬不過二寸長不過

五尺短不過六寸大幅小冊各有攸宜惟墻口  
凹缺之處千絲萬線皆從此出稍有不平卽生  
屈曲蓋斧斤不能施其巧椎鑿不能逞其力專  
恃邊鐮一推旁如壁削下若砥平用以界線其  
直如矢工良歟器利歟余遊京師二十載從吳  
門攜帶之界尺皆爲友人乞去乃從燕市木工  
謀之則竟無邊鐮專用三分鑿子鑿成又艱苦  
又不準名爲南木匠實不如吳下木工多多矣

粵鍾燕函夫人能爲宋斤魯削遷地弗良其斯  
之謂歟

# 熨斗

通俗文曰火斗曰熨楊慎曰尉字从卮卮音夷平也後世校尉廷尉皆取從上按下使平之義尉斗申繒亦使之平畫時有紙發皺噴水半溼以斗熨之亦如繒之易平絹未礬有皺亦熨之或有舊稿紙薄而易爛宜以白蠟爲屑摻勻紙上用熨斗隔紙燙之使蠟透入於紙紙自厚而堅是書畫家皆有用熨斗之時斗以銅爲之柄



以木爲之小者徑寸大者五寸與衣工所用者無異管梁簡文帝詩曰熨斗金塗色是塗以金也李義山詩云帶火遺金斗是以金爲斗也女紅餘志姚月華熨斗名麟首黃金爲之表異錄鈷鉚熨斗也是熨斗又有麟首姑鉚之名也今畫家所用無取華飾不尙嘉名但期紙絹熨平勿致波紋不淨雖非常用之器亦藏以待動焉耳

## 鎮紙

琢玉龍之蜿蜒雕晶虎以蹲踞拱壁則穀也蒲也古鏡則秦歟漢歟美則美矣祇可供玩好而用以鎮紙則有貴重之嫌有失墜之虞下之象牙楠木其質已輕不足以爲重鎮不如鐵鉛作尺銅錫成條外裹以紙重而有力當夫相度天地之際凝神構思之餘舒者乍卷而欲飛皺者者無風以生浪墨亦不能爲之潑筆亦不能爲

之下爰取二條橫亘兩端中間絹素寂然不動如鏡面之平如澄江之淨雖未作畫已令人對之而可愛咎歐陽通善書修飾文具其家藏遺物皆就刻名號研室曰紫方館金荈盛硯滴曰金小相鎮紙曰套子龜小連城千鈞史界尺曰由準氏芒筆曰哇宗郎君夾槽曰半身龍可知鎮紙一物亦書畫家之斷不可少也

# 磁器

嘗讀柳宗元進磁器表有曰甄精埏埴制合規模稟至德之陶甄自無苦窳合太和以融結克保堅貞且無瓦釜之鳴是猶土型之德磁器之用大矣古曰柴汝官哥均定明日永宣成宏正嘉隆萬官窑首成次宣次永次嘉其正宏隆萬間有佳者其時饒土入地未惡其土骨紫白料法泐藥水法底足火法花青畫采法雅既入古緻又盡今故縣日無

多而購市重直傳世永寶焉此論古董非畫具也畫家所用舊者難得新者北定州南景德鎮所燒而已定州白土爲坯粉定也江鹵浮梁窑屑白石爲坯五色石末爲繪有五采祭紅白地青花倣古各種大槩充飲食之具者多充繪事之用者少即有筆洗畫碟不過八分之一耳然畫家所用無取五采之絢爛止取純白之皎潔便于辨色也試舉繪事所需諸器而別言之

大缸

中缸

小缸

大盥

中盥

小盥

大碟

口一尺

中碟

口七寸

小碟

口三寸

大畫碟

口二寸五分

小畫碟

口一寸七分

大筆洗

小筆洗

大水注

小水注

大格碟

長可六寸  
寬可三寸

中格磔

小格磔

大盆

小盆

大乳鉢

中乳鉢

小乳鉢

調羹

筆筒

印泥盒

粉盒

磁器之可用于畫者甚多擇其至要者用之大缸盛河水待其清以備煎膠洗絹之用先用一

缸盛一二擔水澄之三日後以清水過于第二缸內所畱泥脚棄之另貯新水越三日第二缸清水將罄取其所餘者棄之又將第一缸清水過之更換不已三日爲度若過五六日太宿不可用缸脚不出蟬聯不斷水亦易壞有時不用大缸則中缸盛水一桶小缸盛水數升而已新缸貯水一年火氣方褪可免水煥若曾經釀酒造醬藏醯蓄蠶之缸槩不可用恐有鹽酸氣也



瓊瑤玫瑰鑄銀范金之貴不必用無取華飾也  
黃沙青瓦宜與紫泥皆能滲水與敝漏同大盥  
盛水置案頭一宿卽清日日去腳味更新鮮礬  
絹時必用大盥盛膠礬水以便溫者不易冷約  
一盥可膠絹一丈泥澱大盥盛已泥之藍漂朱  
沙大盥出標中盥貯沙染筆蘸水用中盥色筆  
常洗用小盥時時棄水時時換水且列盥宜多  
以分朱綠不致混淆泥金多者用大碟少則七

寸碟乳粉亦如之乳澱宜用中碟旋乳旋化以少爲貴漂各色少者用小碟足矣調色專有畫碟七十二色用碟甚多故不可不多爲預備其臨時用色或濃或淡宜於格碟內調之格碟者一碟之內如窗有格眼田有經界區以別矣葵花蕉葉海棠梔子形式不同深淺互異每有一色可用一碟濃淡各別而仍聚于一處良甚便也今人筵席所用醬菜格碟中一格盛醬旁五

六格內盛各種小菜卽畫碟也不以盛五色而以盛五味猶盃碟之類不以盛珍鎔而以盛金碧其用有可相通者歟抑用于筵席者多而用于筆墨者少歟研色必用乳鉢乳鉢之大小視乎顏色之多少總取其厚無取其薄以白磁爲上無取乎黃沙洗筆不用盃卽用筆洗式亦不一洗色筆者不宜與洗墨筆者同一洗也落墨用硯著色用水不取諸大盃則另設水注挹彼

注茲宜用調羹亦偕開筵之器以入畫也粉盒  
可貯各種未研之色偕粧奩之器以入畫也印  
泥盒可藏印色亦可藏衆色遇塵土多時調色  
於印泥盒內不用則蓋之似亦可通蓋木器滲  
水銅錫見水生綠不如磁之不垢不滲也近有  
用黃楊木尺上雕數凹如連珠小碟粉而漆之  
置冬米堆中去油气以代磁調色又何如格碟  
之精雅乎筆筒亦有磁者較竹木爲潔大者名

筆海可以小缸爲之制磁法先用淨鐵鍋貯冷水入磁器于水中緩火煮之水沸而止煮而後用則火烘及見熱湯皆不裂或用薑汁厚醬塗其底炙以火與水煮同然有薑鹽氣非所宜大缸不能煮亦不必煮旣煮之後收藏待用不可以其空閒取以泡茶酌酒盛果和羹致沾油膩油膩生則百色俱廢可不慎歟

## 鑪

採蘭雜志沈約有香鑪曰辟香馮小憐有足鑪  
曰辟邪手鑪曰鳧藻冬天頃刻不離以其飾得  
名鑪之爲用多矣畫家不用香鑪足鑪但用手  
鑪而已著色烘膠四時一日不可離也嘉興張  
鑪材美工巧堅固而精雅底有篆文方印曰張  
鳴岐造郡邑志載之然已列入博古圖不可多  
得已下此無名者擇其舊而厚紅黃銅皆可蓋

有花取其疏毋取其密密則氣不通火易滅也  
鑪大小宜多備小鑪日日用之以烘膠倘有用  
色繁多及各色出膠之候一鑪不足復增一鑪  
皆宜用小泥澱時藍水數碟皆待烘乾宜用大  
鑪二三去蓋另以鐵筋二雙橫亘其上然後以  
碟烘之每一鑪可烘兩碟氣愈通火愈透不待  
終日可乾矣外有炭鑪吳越之間謂之風鑪手  
鑪埋炭於灰中有熱無燄風鑪無灰而下通扇

之火熾故小磑烘膠於手鑪宜用膠少也礬絹煎膠於風鑪宜用膠多也其式或鐵鑄或沙鉢鑿一穴以通風塗以泥格以鐵名曰鑪墊墊上承炭炭上承釜墊下出灰火有不旺可以扇煽以筒吹行路而攜畫具者不帶風鑪止帶手鑪風鑪處處易得手鑪一時難覓也鑪灰亦不易覓途中非遇廟寺香鑪灰何從得宜用皮紙包灰藏在鑪中以便擁護炭火倘車塵馬跡之餘



野店荒邨大都勝地或對佳山妙水或逢異艸  
奇花思援筆以寫生復綴色以摹狀燃炭方紅  
以旋黑調膠欲熱而偏冷豈不興爲之索而意  
爲之盡耶

## 篩

篩何用乎篩靛膠也靛佳者艸屑最多先篩出艸屑然後下膠礬絹礬紙時膠礬水中有礬末土屑則用篩濾過然後可用凡色有渣滓不淨者或篩或濾俱用之大者七寸小者五寸用細白羅及絹每樣須備二隻一以乾篩一以水濾篩藍綠者恐見水而有色則水當棄矣濾膠礬者恐見色而發黏則色狼籍矣是亦不可不慮

也

梭拂

麈尾蠅拂王謝家之奢侈也麻繩細拂宋高祖  
之儉約也龍髯拂張志和之所授也旄牛尾拂  
秦嘉婦之所寄也若畫家所用專主於驅蒼蠅  
則莫如梭拂唐杜少陵梭拂子詩曰梭拂且薄  
陋豈知身効能不堪代白羽有足除蒼蠅熒熒  
金鎔刀擢擢朱絲繩非獨顏色好亦用顧盼稱  
吾老抱疾病家貧臥炎蒸呿膚倦撲滅奈爾甘

服膺物微世競棄義在誰肯徵三歲清秋至未  
敢闕緘滕元稹椶櫚蠅拂歌曰椶櫚爲拂登君  
席青蠅撩亂飛四壁文如輕羅散如髮馬尾釐  
牛不能潔柄出湘江之竹碧玉寒上有纖羅縈  
縷尋未絕左揮右灑繁暑清孤松一枝風有聲  
麗人紈素可憐色安能點白化爲黑又有白蠅  
拂盧綸歌曰華堂多衆珍白拂稱殊異柄裁沈  
節香襲人上結爲文下坐穗霜縷霏微瑩且柔

虎鬚乍細龍髯稠皎然素色不因染淅爾涼風  
非爲秋羣蠅青蒼恣遊息廣庖萬品無顏色金  
屏成點玉成瑕晝眠宛轉空咨嗟此時滿筵看  
一舉荻花忽旋楊花舞書如寒隼驚暮禽颯若  
繁埃得輕雨主人說是故人畱每誠如新比白  
頭若將揮玩閒臨水願接波中一白鷗合觀古  
人歌詠櫻拂本爲驅蠅而設而蠅又畫家所最  
忌以其飽舐各色到處有茵化白爲黑拔劒驅

之何如椶拂拂之之爲得乎燕趙汴洛之閒多用響帚其制以三尺竹劈大半爲細絲下畱五寸爲柄搖之有聲蠅聞之而遠遁亦遇之而糜爛或用藍紬爲小旗搖之則蠅自散或曰室中置大冰一塊可以辟蠅蠅畏涼也席間點安息香一枝蠅亦避煙而去蠅又畏香矣

繪事瑣言卷七

吳江迨朗已川著

印

書畫必有款款必有印印文不古有累書畫不  
少印烏可不講哉然而印之爲道難言矣六書  
不講八體罕聞用俗書以作篆依俗隸而成章  
循其流者不知溯其源承其譌者無復糾其繆  
有如履

本作履

非鳥義羽異鳳形

古朋鳳同一字皆作翮

一言



本作 失立音聲父本作从立舉無杖指奔本作

走本作既形殊天趾丹本作衰本作犬象異

丞毛戎本作早本作離於中義舜本作鄰本作

太厥炎文支本作木本作干本作求本作之首

簪紉而今直莽本作垂本作尾本作並本作之

身本拆而今連前即剪刀而譌作後莽製本雨

衣而用為裁制次第之弟僭為兄弟而紛增第

第之文等帝之帝假作帝王而別造蒂帶之字

廿爲二十亦爲三十卅爲四十古并也而後人

分之厓本尼邱

尼邱山名三倉合爲厓

顓本章貢

章貢水名合而

爲顓駝本荒昏

荒昏二義元次山合而爲駝以謚隋煬

古分也而後

人合之以至孝

本作李

季

音交教字从此

難分茲

从二元

茲

从艸絲省

易潤變億而爲億改繆而用終更函而作

函舍阜而取厚勸還作壽藥乃爲乘庚

本作庚

形

正而反偏出

本作

體邪而顧整祇諧俗目算覩

原文至於偏旁尤多譌舛心以立而疑小手因

挑而佰才

音武充育从此

齒如云艸頭敵

人汁切墓井等

此字从

易

音拱

為井在奉春則溷大在昇井則溷

万

基音

省弓

音節

為下於御叩則疑邑於遷喬則疑

己思

本作息

毗

本作毗

細

本作細

从凶

音信

畏

本作畏

卑

本作鬼

从凶

音弗

鬼

而俱同田尉

本作尉

票

本作票

與

本作寮

从火

音絲

京

本作命

業

本作帶

从巾

此象

形非佩

而竝

作小郭

本作郭

之章

音郭

淳

本作淳

之章

皆為享字恒

本作恒

之角

豆

本作須

之回

桓宣等

字皆从

𠂔

𠂔倂作日形鑒

本作鹽

之皿賣

本作賣

之囧羅

本作羅

羈

本作羈

之网罟

本作罟

曼之目倂四而非四覃

本作

𠂔

之鹵

省鹵

覆

之而

呼訝切

遷

本作遷

票

本作與

之

𠂔

本作𠂔

栗

本作栗

之鹵倂西而非西又勺之勺

句

本作句

之勺

音糾

與勺

本作勺音包旬

相類宏

之乙

古文台

本作乙

之己

即以字

與乙

音私

不殊己

本作

己居擬切妃

已

本作己

羊止

已

本作己祥里切起祀等字从此

巳

本作巳胡威切

槩不晰其本原卯

本作卯

𠂔

本作酉

字

酉

本酒字

酒

以酉字類而故俗酉別之既

亦孰

窺其增減久

音旨

文

音朴

改

音救

攻

音牧

攸

音敝

敝

音敝

敝

音敝

从

侶文冂角

勝俞等字从此

如

月

敷

本作敷

以

方

而

易

寸

躬

本作躬

太

呂

而

从

弓

墓

作

堇

来

作

来

自

作

了

了

作力俾就約而舍多帛

上从父

為

布

司

為

有

司

為

灰膏為耆竝移右而居左誰分市

音弗

市

本作

莫

辨口

音韋石倉等字从此

口

音圖

凡

此

僭

差

難

勝

指

摘

蓋史籀之大篆初著而倉頡之遺意猶存及李

斯改史篇爲秦篆而籀文一敝於斯矣程邈又

增損大篆爲隸書而籀文又敝於邈矣洎乎南

北分離同文莫覩齊梁喪敝僞字肆行藝苑雌黃云蕭

子雲改易字體邵陵王頗作僞字南北史敝書迹猥陋轉輒造字猥拙甚於江南迄于

唐世之經文加以衛包之改定所可讀者古文

悉變俗書所可稽者法帖惟畱鐘鼓體裁既陋

篆刻更譌博旁加十魏上無山衝本作衛董本作董

不从童而从重幢本作幢幄本作幄不从木而从巾

林二木也而并作鼎水坎卦也而省爲𠂔去古  
逾遙合漢彌鮮故爲丹青深寶愛之思不得不  
爲篆刻發探源之論欲刻印必主宗漢欲宗漢  
必先識篆篆文旣識然後審名辨印論材分式  
別度定見筆法刀法章法摹古蓄譜集印立品  
去病用法篆刻之道精而後不爲書畫累

### 識篆

六書

周禮係氏教  
國子以六書

象形

是日月

指事

是上下

會意

是武信

諧聲

是江河

轉注

是考老

假俗

是令長

八體

乃秦壞古文

大篆

是史籀十

小篆

是李斯

刻符

是竹而中剖

蟲書

是即鳥書以書幡

摹印

是即璽

署書

是題

父書

是書於父文記

隸書

是程邈所作



漢六書

甄豐改定

古文

倉頡所作孔氏壁中書

奇字

即古文而異者

篆書

小篆

佐書

即秦隸書

繆書

程邈所作屈曲填滿而綳繆

鳥蟲書

篆體正宗

篆刻之家凡彙集上古及秦漢各體篆為奇正二種

鳥迹篆

倉頡寫鳥迹為文

大篆

小篆

籀篆

石鼓文

奇字

九疊文

即繆篆又曰尚方大篆

署書

填篆

周媒氏作仲春判會男女用此

墳書

或云即填字之誤

鵠頭書

亦曰鶴頭書漢詔版所用

壇山刻石文

贊皇縣壇山有周穆王石刻四字曰吉日癸巳

懸鉞書

又曰坐針書漢曹喜作

急就文

軍中急於封拜鑿而不鑄

倒薤書

湯時仙人務光作

玉箸文

李斯作

碧落文

見汗簡

柳葉文

晉衛瓘作

鐵線文

曹喜作

偃波文

即版書狀如連文

滿白文

圓朱文

細白文

爛銅文

切玉文

以上五種俱  
鑿銅印法

篆體奇賞

龍書

庖犧字獲景  
龍之瑞而作

穗書

神農因嘉禾  
八穗而作

父書

伯氏所職父體  
八觚隨執書之

雲書

黃帝因卿  
雲見而作

鸞鳳書

少昊以鳥  
紀官而作

科斗篆

高陽氏制  
形似科斗

仙人書

高辛氏以人  
紀事而作

龜書

陶唐氏因軒轅  
靈龜負圖而作

鐘鼎書

夏后氏象鐘  
鼎形為篆

峒嶺碑文

神禹治水  
碑在衡山

滕公墓銘

東都門掘地得石柳

刻符書

芝英書

漢武時陳遵作

飛白書

蔡邕見聖帚成字而作

炆露書

曹喜作

瓔珞書

後漢劉德升觀星宿而作

金鎔書

韋誕作亦曰剪刀篆

轉宿篆

宋司馬以熒惑退舍作

迴鸞書

史佚作

鳥書

周文赤雀武丹鳥二瑞為書

魚書

周武因素鱗躍舟而作

虎書

史佚因騶虞作

麒麟書

孔子弟子申蛇為獲麟紀瑞

琮作

龍爪書

王羲之題柱作一飛字有龍爪之形王僧虔變其執為虎爪書

黼黻文

虞帝繡之於衣

蚊脚書

尚書詔版用之側纖衆下

奇正二體即秦八體及王愔文字志古書三十六種唐韋續纂五十六種書也歷世既久其書或不傳今所見者皆後人徇名而作非其真矣其說有據依可資諷習者宜擇其書而熟讀之

篆字書

倉頡書

朱淳化閣帖

神禹碑

岫巖山

石鼓文

在京師太學內

孔子書

淳化閣帖內

嶧山碑

泰山碑

秦望山碑

詛楚文

以上俱李斯所書

漢啓母石闕

太室闕

少室闕

以上三種在嵩山

吉日癸巳

在壇山周穆王刻石

碧落碑

比干墓銘

在河南衛輝府汲縣

許氏說文

許慎以賈逵之學集古籀斯雄之跡作說文解字其建首立一

爲崙畢終於亥共十五卷十三萬三千四百四十一字凡習篆必以說文爲根

本能通說文則寫不差次然元板不可得今之韻譜又出翻本內有新增俗字須與黃公韻會參看方知來去其餘徐鉉集注徐鍇繫傳通釋諸書俱當參攷

字林

呂忱補說文之扇畧

五經文字

張參纂

九經字樣

唐元度補參之所不載

復古編

張有載古今異文字專本說文以爲正學古編曰若檢說文頗覺費

力當先熟於復古編大槩得矣後有吳均增修復古編臧崇僧後復古編劉致

復古糾繆篇曹本續

復古編俱當參看

六書故

戴侗

六書正譌

周伯琦

汗簡

邵宗正引遺書七十一家

歷代鍾鼎彝器欵識法帖

薛尚功合宣和博古圖及劉原

父先秦古器記歐陽集古錄諸書而成

篆法辨訣

元應

在作

篆字之書甚多先擇其精要者讀之而

後取一切篆書旁引曲証庶能窺斯籀

之淵源而入許徐之奧窔矣由是而可

以審名矣



審名

璽

古者尊卑共之秦漢以來唯天子諸侯得稱唐武后改爲寶

印

古人用以昭信从爪从卩用手持節以示信也始于三代盛于秦漢至六朝異其文

朱白也唐宋雜其體改易制度也

章

即印也纍文成章曰章漢列侯丞相大尉前後左右將軍黃金印龜紐文俱曰章太

初元季更增印字若丞相則曰丞相之印章漢以土德王土數五故印皆用五字

圖書

名肇河洛卽後世字畫也古人於圖書皆有其印記某人圖書今人遂呼官

印曰印私印曰圖書於圖書書籍外槩用圖書二字誤矣

符節符謂合符以爲契節以毛爲之上下相  
重者三取象竹節因以爲名將命者持  
以爲信歷代各異  
其制漢作銅虎符

## 辨印

三代印通典以爲三代之制人臣皆以金玉  
爲印龍虎爲紐其文未考或謂三代  
無印非也博物志有忠孝侯印議者以謂  
堯舜時官則有璽印久矣虞卿之棄蘇秦  
之佩豈非周  
之遺制乎

秦印秦之印章少易周制皆損益史籀之文  
但未及二世其傳不廣間有傳者多寬  
邊細篆朱文  
可識者少

漢印

漢因秦制而變其摹印篆法增減改易制度雖殊實本六義古樸典雅莫外乎

漢矣

魏晉印

本乎漢制間有易者亦無大失

六朝印

因時改易遂作朱文白文印章之變則始於此

唐印

因六朝作朱文日流於譌謬多屈曲盤旋皆悖六義毫無古法印章至此邪謬

甚矣

宋印

宋承唐制文愈支離不宗古法多尚纖巧方圓違制齋堂館閣更變用之大悖

秦漢

元印

元人之印惟至正間有吾子行趙子昂正其款制然皆尙朱文宗玉箸意在復

古故間有一二得者第工巧是飭雖有筆意而古樸之妙則猶未然

明印

明官印文用九疊而朱以屈曲平滿爲主不類秦漢惟將軍用柳葉文虎紐玉

璽王府之寶用玉箸文監察御史用八疊篆時日印用七疊品級之大小以分寸別之一二品用銀以下皆銅惟御史則用鐵印私印本乎宋元正嘉之間吳郡文壽承崛起復古代興者爲徽郡何長卿其應手處卓有先民典刑而亦不無屈法迨上海顧汝修集古印譜行之于世印章之荒自此破矣好事者始知賞鑑秦漢印章復宗其制度其時印藪印譜疊出急于射利多寄之梨棗且剗剗氏不知文義有大小同小

異處則一槩鼓之於刀豈不反爲之  
誤博古者知辨邪正乃得秦漢之妙

### 論材

玉印

三代以玉爲印秦漢惟天子得用之私  
印間有用者取君子佩玉之意其文溫

潤而有神  
愈舊愈妙

金印

金印漢王侯用之私印亦有用者其文  
和而光雖貴重難入賞鑑古用金銀爲

印別品  
級耳

銀印

漢二千石銀印龜紐私印用之明官印  
一二品亦用銀以下皆銅其文柔而無

鋒刻則膩刀  
入賞鑑不精

銅印

古今官私印俱用其文壯健而有回珠

塗金塗銀嵌銀絲金絲者

鐵印

漢唐宋印間有鐵者明惟御史用

寶石印

一二今未之有也且艱於刻

瑪瑙印

瑪瑙亦無官印私印間有之硬不可

琥珀印

私印用之刻時頗脆而澀

蜜蠟印

私印可刻與琥珀相似止可備以飾觀

磁印

上古無磁印唐宋始用為私印燒成硬

不易刻若未燒以前就土坯刻之又太

鬆而易碎入窑一燒平正者十不得五其  
文類玉稍粗其制有龜紐瓦紐鼻紐舊者  
佳新次之亦堪賞鑒考槃餘事云印章有  
哥窑官窑青冬窑者其制作之巧紐式之  
妙不可盡述妮古錄載吳門丹泉周子能  
燒陶印以土堊刻印文或辟邪龜象連環  
瓦紐皆由火範而成  
白如白定而文亦古

紫砂印

宜興紫砂作  
印頗有可觀

水晶印

水晶古不以爲印近有用者但硬而  
難刻用金剛鑽撥之或用斷火刀鑿

之脆而易裂惟  
用之飾玩亦可

石印

石質古不以爲印唐宋私印用之不經  
久故不傳唐武德七年陝西獲石璽一

紐文與傳國璽同不知作者爲誰元末會稽王元章始用花乳石至明文何諸公競尙凍石其文潤澤有光別有一種筆意丰神即金玉難優劣之也石之所出不一要在取材者選而用之可也

青田凍石

燈光凍出浙江處州青田縣夾

理細膩溫潤易刻而筆意得盡通體明瑩照之燦若燈輝故名燈光妙在茹塗吐而不燥非若金玉質堅實不茹塗者可比爲最上品其次則魚腦凍色白如魚腦又有黃色凍類蜜蠟光潔可愛稍遜燈光於今求其舊玩者亦不可多得

遼東凍石

色如熟白果其質堅硬起毛甚不可用而且損刀不知辨者往



往以凍石之價購之

臘石

一種如臘肉骨頭者為上一種如乾腐者色亦美條青而外不足取矣

封門石

文質俱佳高出於壽山青田之上近亦出產甚少

大松石

出浙江寧波府大松所其質類玉間有洒墨黑斑文采流麗真者稀

少假者燒斑偽造最可亂真不足貴也開採時必以牛祭後戚高塘以羊易之

此石遂絕後人呼此石為羊求休

壽山石

產福建省城外北行六十餘里芙蓉峰下田中者佳犁地極深乃得

色分五彩質細如玉裁取方寸似浙之燈光舊志云山產石如珉又云五花石

坑去壽山十里宋時故有坑以採取病  
民縣官輦巨石塞之明崇禎末有布政  
謝在杭嘗稱之品以艾葉綠爲第一丹  
砂次之羊脂瓜瓢紅又次之初不甚著  
名至康熙戊申閩縣陳越山齋糧采石  
山中得其神品載至京師輒數倍其值  
售去於是好事接踵穿鑿而山谷一空  
矣然後收藏家分別其舊藏者以田坑  
爲第一水坑次之山坑又次之舊有楊  
玉旋善制紐爲閩中追師名手今欲得  
舊產者甚艱近時所出乃芙蓉巖新石  
居民以此爲業制紐煮色僞作舊石以  
售至有假他山之石以亂真者大洞所  
產尙亞於田石艾葉綠已不可得其白  
而明者黃而透熟者價亦數倍卞二濟  
有壽山石記高固齋作觀石錄毛西河

有後觀石錄形容壽  
東殆盡可以參觀

昌化石

浙江杭州府昌化縣產石亦有五  
色純雞血紅為最今甚難得白而

間鮮紅點者亦罕見惟紫石而朱沙斑  
者尚自純白而無雜色者亦可取今都  
下輒爭尚雞血紅凍以紅之多寡為倍  
直之差等然此石往往多沙釘與筋且  
性膩難刻不若青田  
壽山之適刀法也

蒲田石

福建蒲田縣產石如哥磁多冰裂  
黑紋土人取以為印價雖廉可供

篆  
刻

寶花石

天台之產形如壽山  
其質粗鬆不足取也

楚石

出湖廣黑如退光漆質軟而  
且裂極易剝敝人多賤之

大田石

大田山產石白膩軟滑土人裁取  
作印售人刻無紋理藝林不賞之

朝鮮石

色如碧玉堅不讓刀紋亦癡  
裂染塗膩滯徒爲觀玩之飾

萊石

山東萊州石色綠如玉  
質鬆脆篆刻不能耐久

煤精石

色光黑而質堅潤體輕  
似烏犀出秦中可作印

綠松石

出滇南爲銅之  
苗堅而難刻

綠礦石

亦滇南銅苗作印蒼  
翠可愛又易著刀

丹砂印

辰沙大塊者亦作印其性沈重又  
以朱沙印泥印之神采愈覺鮮明

房山石

石出直隸順天府房山縣色似青

田之燈光凍初出時都市偽飾混

售頗得厚值并煮作黃色以充田黃東

石近亦人共識之賤而不取蓋其性鬆

嫩不中

刀法也

豐潤石

豐潤亦順天屬治色多青綠每有

石之下

駟也

象牙印

漢乘輿雙印二千石至四百石以下

軟刻朱文則可白

文無神且近於板

犀角印

漢乘輿雙印二千石至四百石以黑

犀爲之餘則不用好奇者用以爲私

印其質粗軟久則歪斜不足玩也

黃楊印

刻黃楊易于刻牙朱文不減牙印白文板而乏神周文煒曰士人宦遊圖

章類多巨石攜之輿篋人恒疑此中為何等物也不若易象牙黃楊可絕暴客念且減輿臺力吾見文國博鑄牙章最善王祿之好作黃楊印則知先輩亦不廢此耳

梅根竹根沈香伽楠等印

好古之士備此數種以矜奇而炫異

非篆刻家所尚

分式

名印

印乃信物當正用姓名如某姓某名印白文爲正其單名或以之字足之亦有

以章字易印字者亦有印章等字連刻並表字者亦有止刻姓名不用印章等字者有刻名不刻姓有獨刻一姓者有刻姓如某生某子等字者其名字二印或可分刻不可分用秦之罾刻石去姓稱名後世因不知姓遂有惑而效之如五代梁唐間有王彥章彭彥章謝彥章宋有汪彥章後魏有游肇高肇若去其姓知爲何人故古人用名必不除姓顧譜載臣某者皆兩面印如一面曰郭巨一面曰臣巨未始無姓亦未始獨用也名印兼用印章二字不若單用一印字或章字爲妥雙名可回文寫姓下繫印字在右二名在左單名者曰姓某之印不可回文寫若曰某某私印不可印文墨只宜封書亦不可回文寫

字印

漢印用名唐宋始用表字其印以二字

某父父係他人美已之稱不可自呼總之名姓內不可著氏字表德印內不可著印字當詳審之古人字印必有姓如漢張幼君唐呂化光之類今不用姓亦簡省之法而氏字在宋元方有亦非漢晉六朝法也

號印

古人常作號印近代乃爭用之而元益熾及更用別號曰某道人某居士某

山人某主人等字皆非古法戰國策秦惠王時有寒泉子注云秦處士之號史記索隱甘茂居樗里號曰樗里子又范蠡去越自稱鴟夷子此固後人別號之所昉乎陳炳曰道號始于唐以之作印自宋人始道號有即用軒齋等字者可與姓名同刻有



某地某人之印是也否則宜刻在正字之下曰某人別號某或別爲一印如某山人某某子之類按道號印詩畫間用之則可至若江湖之號牽涉之語及科甲世家名目入印則不韻

臣印

漢印用臣某者不獨用于君前其同類交接亦用之乃戰國之餘習李周翰曰

臣者男子之賤稱謂自謙耳七修類稿云稱臣者多兩面有文按兩面印一面姓名故一面作臣某若有鈕之一面印則必連姓譜中一面印作臣某者臣字即姓也

地名小字印

擷芳錄云余見江左周郎四字銅印今以地名小字刻印者大

都仿倣是式然亦古人偶然之作終非大方

書柬印

秦漢書柬內外通用一印如官府傳檄移文內外亦止一印後有用某人

啓事某人白事某人白疏某人白箋等印已爲好事然尙係之以名近更徒用頓首副啓再拜愼餘謹封護封等印且並用于一書殊爲可笑大約書簡中及封固處止用一名印足矣

收藏鑑賞印

上古收藏書畫原無印記始于唐宋近代好事者耳其文有某

氏家藏某人珍賞某郡某齋堂館閣圖書記印於所藏書畫之上以示鑑賞其理最通其宜子孫子孫世昌及子孫永寶皆古鐘鼎款識顧氏摹入印譜用以爲收藏印亦可

齋堂館閣印

古無此印攷自唐相李泌作端居室白文玉印雖非古法亦入

鑑賞周亮工印人傳云文國博爲印名字

章居多齋堂館閣間有之至何氏則世說

入印矣至梁千秋則無語不可入矣吾未

見秦漢之章有此纍纍也欲追踪古人而

不先除其鄙惡望而知爲近今矣閭若璩

潛邱劄記云近代圖章力駁何雪渙而返

文三橋鑒

鑒至理

引首押脚印

梅菴雜誌云古官私印外表字印亦不多見宋後用閒雜字印

于書幅之首謂之引首杜撰可笑今人遵

守而不敢有違何邪蘇軾民曰今人于引

首押脚閒雜之印每取成句已非古制況

秉性嚴毅者多用道學語往往失之塵腐

天姿瀟灑者多用綺麗語往往失之妖冶  
逆境坎軻者多用牢騷語不免怨天尤人  
奇異自喜者多用險僻語不免違時忤俗  
若于六經諸史非有裨于世教即取風雅  
宜人者庶無此病朱修能曰堂室印始自  
唐人地名散號始自元宋近又有全用古  
人成語者雖非古法亦可旁通按  
顧譜絕無引首不如不用之爲妙

## 別度

陰陽

凡物之凸起者謂之牡謂之陽凹陷者

謂之牝謂之陰此一定不易之詞也今  
之言印章者則以凹陷者爲陽文凸起者  
爲陰文蓋古來之傳說固然求其說而不  
得則曰以其虛也故稱陽以其實也故稱  
陰不知此譬說也凡後人之印章以印紙

故凸起處其印文亦凸凹陷者其印文亦凹古人之印章以印泥故凸起處其印文反凹而凹陷處其印文反凸所謂陽文正謂印之泥而其文凹也蓋從其所印言之非從之泥而其文凹也蓋從其所印言之非從其所刻言之也不察古今之異而妄爲影似之解其貽誤後學深矣又云凡古人書牘俱用竹簡或用木札既書則泥封之而加印于其上以爲識周禮之所謂璽節左傳之所謂璽書其制大率可想也秦漢封禪則書以玉冊封以紫泥印以玉璽至于上書言事則書或用絹素盛以綰囊其印用于絹素之上

款識書家最重款識乃分二義款爲陰字凹入者刻畫成之識爲陽字凸出者鎔鑿

成之鑑

記多此

體制

古之印章各有其體故得稱佳毋妄自

宗唐字之宗晉謂得其正也印如宗漢則不失其正矣又何體制之不得哉吳先聲曰學漢印者須得其精意所在取其神不必肖其兒如周昉寫真子昂臨帖斯為善學古人學古編曰漢篆多變古法許氏作說文救其失也今但印不本許氏是不識字也學漢印而單學其鎔

字是東施之學鹵施也

品式

秦漢方印條印皆有正式間有軍曲印

圓者字體覺方恐後人磨圓也亦有長印矮印外方內圓外圓內方又有中分十字

斷爲四印狀作朱文每格一字亦有外無  
邊闌或爲磨去亦未可定又有中分甘字  
以畫爲六窠遇有邊闌各各出頭與闌相  
通或無闌未及邊處便止又有長印斷爲  
之方者更爲一圓一方者又有長如二印  
相聯合成一印者每用二字布置修短腰  
不界斷亦有腰僅用一畫隔爲兩刻者上  
下每一字又有如方截角印上下左右四  
角對截中爲方地者又有旁爲龍虎狀而  
中刻字者又有刻諸形象而于上布字者  
又有刻形相以代本字者又有兩面四面  
六面又有太極印函三爲一者函二爲一  
者俗謂之子母印大抵印用方式正大美  
觀次之寧矮至用長印必字之多而後可  
或今用爲引首亦可然顧譜絕無引首古  
未之有也其如鼎如鑑如爵如玦如葫蘆

八角等式怪樣雜書皆唐宋近代俗戲不入鑑賞蘇嘯民曰自用私印雖無定體然如連環太極寶門諸式終欠大雅

定見

篆刻猶大匠造屋先會人之意隨酌地勢之宜圖象間架洞然胸中然後較量尺寸

準繩而雕斲結構方稱完屋倘有不稱意處從而潤色整頓之可也

會意酌宜

欲刻一印必須先得解說根究其義使知偏旁點畫何背何從無失

本義不可執偏旁相似湊合而成亦有篆文宜于他印不宜于此印者須率此從彼率彼從此隨機靈變兩當而可并酌其印樣長短闊狹相參而用倘配合不成當耐心沈思討出天然巧處如終不得或以他字易之不可牽強塞責如姓名必不可易



若之印之章信印私印可以更易又如表  
德必不可易或加姓加字加氏亦可隨意  
取舍而得總之字無多少印無方圓惟以  
規模闊大體態安閒疏不空密不實爲要

### 圖象間架

印字篆文俱以通曉隨將墨印空

字或聯珠或並列或試篆于內或一字或二  
列二重亦有上一下二字相隔者至四字  
則十字四分或順序或回文或四列或四  
重或二列二重或前二字交界有空後二  
字無空則空一畫地別之蓋字有有脚無  
脚故也不然一邊不分一邊分非法度矣  
爲字印一二重三獨列四五又重或一列  
二三重四五亦重或一二重三四亦重五  
獨列或五重或五列或以二字相重以三  
字相重其三重相畫少者從之六字印或

均分三列或均分二列或參差布置至于七八九十字俱相字之體字畫繁則獨列簡則相重其獨列者與重者須彼此分明使易識認不可令二字看作一字一字看作兩字凡宜秦宜漢宜陰宜陽宜關不宜關宜隔不宜隔灼有定見方可落墨既落墨後以鏡旁照從鏡返觀則無差誤晉大季每構一印必精思數時然後以墨書之紙熟視得當矣又恐朱墨有異觀仍以朱模之盡得當矣而後以墨者傳之石故所鐫皆有筆意

材料措置

格眼既定自決從違從秦從漢從

外護以至中居安  
排各當妙合自然

尺寸準繩

看有幾字如何安排先區畫定位

湊成一局覺有生成之妙畧無勉強之跡

繩墨求其平正均齊則胚胎成而筋骨有據矣

雕斲結構

運刀時先須把得刀定由淺而深以漸而進疾而不速畱而不滯寧

使刀不足莫使刀有餘不足可補有餘難救須是手知分曉全憑眼察毫芒所謂得諸心應以手也袁三俊曰結構不精則失之散漫蓋字之形體各別點畫不齊務使長短合度粗細折中所謂約方圓於規矩平定直於準繩者也

潤色

銅角求圓玉角求方銅面求突玉面求平蓋銅有頑而玉終厲也至于經土爛

銅須得朽壞之理朱文爛畫白文爛地若玉則可損可磨必不腐敗如銅蝕朽耳

整頓

舊印刀法稍不正者就其相近秦漢銅玉處剪裁點化成之

筆法

刻印必先明筆法而後論刀法今人以訛缺無圭角者為古文又不究心六書所自

來妄為增損不知漢印法平正方直繁則損減則增此為章法輕重屈伸俛仰去住粗細強弱疎密各中其宜始得其法故從章法以討字法從字法以討筆法因物付物巧自天成不至矯強拂逆如穠纖得中修短合度曲處有筋直處有骨包處有皮實處有肉當行即流當住即峙週斯規遇折斯矩動不嫌狂靜不嫌死咸得之於自然不假道於才智是筆法也筆法既得刀法即在其中神而明之存乎其人何雪嶺曰凡筆之害有三聞見

不博筆無淵源一害也偏旁點畫湊合成字  
二害也經營位置疎密不稱三害也

自然 上下內外初終前後中偏左右自然之  
位橫斜曲直耦重交析反缺倒仄自然

之形可視而知可  
聽而思自然之義

動靜 飄然飛動  
肅然鎮靜

巧拙 佻聰明則傷巧守成規則傷  
拙須是巧以藏拙拙以成巧

奇正 不奇則庸奇則或失之怪正則或失之  
庸果能奇而復正斯正而奇矣果能正

而復奇斯奇而正矣然不極怪必不能探  
奇不至庸必不能就正欲奇正者不可不

知

豐約

畫豐毋犯疊畫約毋犯闕

肥瘦

肥須有骨瘦須有肉有肉無骨則虛浮

瘦大篆自肥肥不涉粗而遒勁

順逆

察字本來體勢如左撇者屈伸轉折須

刀法

刀法有三遊神最上傳神次之最下象形

法刻

之宜心手各得其妙文有朱白印有大小

小字

有稀密畫有曲直不可率意當審去住

浮沉

宛轉高下以運刀之利鈍如大則肱力

宜重

小則指力宜輕粗則宜沈細則宜浮曲

則宛轉

而有筋脈直則剛健而有精神勿涉

死板軟俗

以致墨意兩失楊長倩云執刀須

拔山扛鼎之力運刀若風雲雷電之神何雪  
渙云刀之病有六心手相乖有形無意一病  
也轉運緊苦天趣不流二病也因便就簡顛  
倒苟完三病也鋒力全無專求工緻四病也  
意骨雖具終未脫俗五病也或佗或輟成自  
兩截六病也此六病非深於刀法者不知今  
將十三刀  
法論之

正入正刀法

以中鋒入石豎刀畧直  
直則勢雄自見奇傑

單入正刀法

以一面側入石把刀畧  
卧卧則勢平臻於大雅

雙入正刀法

兩面側入石也卧刀勢平不可  
輕滑輕滑則軟無生動之機○

以上三法俱謂之正刀貫乎諸刀之中用  
久而化不知其然舉手合妙不在刀也執

刀求之則癡  
人說夢矣

衝刀法

字畫平行精工俱備而未見雄渾是漸漸有功神奇未至耳以中鋒捉而

衝之此刻白文妙訣也衝則搶上無旋刀如古細白文類

澀刀法

欲行不行如生澀狀書家謂意在筆先此則刀行意後也夫知有神行於

筆之先者則刀自不得輕滑而潦艸矣摹古之佗此法最爲得神

遲刀法

寫字宜速用刀宜遲遲非謾也徘徊審顧不肯率意以致輕滑停勻而入

於俗不臻大雅

留刀法

非遲澀也篆合幾字虛實相應謂之章法捉刀入石先相章法不可將一



字一畫刻完到相應處照顧不及則成敗  
筆矣須散散落刀體會章法虛實緩急行  
止頓挫先畱後地故謂之畱知

畱則知章法刀法焉得不神妙

復刀法

一刀不到而再復之刀入石有三而  
單入最妙單入易於爭奇雙入乃能

免俗然單入最上刀法復之以救其失  
也先悟其病在何處正取一刀救之不宜  
長宜短不宜連宜斷不宜太盡宜畱  
餘長則失勢連則犯俗盡則敗矣

輕刀法

非淺率也刀行有輕  
舉之勢不癡重耳

埋刀法

以刀言則入石而沈著以筆意言  
則藏鋒而不露合而各刀故曰埋

切刀法

如切物狀直下而不轉旋急就切玉  
皆用此如遇輕滑敗筆則切刀救之

舞刀法

理者藏而不露舞者行而不知皆跡外傳神熟極生巧如故意舞動則俗

筆之最惡者不入

刀法爲下下品

平刀法

刻成朱文而覺呆板則以平刀平起其脚而復刀救之白文亦間用之。

十三刀法之外

又有數種刀法

起刀

要著落

伏刀

要含蓄

複刀

一刀去又一刀去要取勢

覆刀

即平刀平若帖地要取式

反刀

一刀去一刀來既往復來要取韻

飛刀

疾送若飛易要取情

挫刀

即澀刀不疾不徐欲拋還置將放更畱緩進取意

刺刀

即舞刀刀鋒向兩邊相

補刀

既印後或中肥邊瘦或上短下長或左坐右縮修飾勻稱以取玲瓏

住刀

要適勁

文壽承曰運刀之妙宜心手相應字簡須勁令如太華孤峰字繁須綿如重山疊翠字短須狹如幽谷芳蘭字長須闊如大石喬松字大須壯如橫刀入陣字小須瘦如獨蘭抽絲字太纏須帶安適如閒雲出岫字太省須帶美麗如百卉爭妍字太緊須帶寬綽如長霞散綺字太疏須帶結密如窄地布錦字太板須帶飄逸如舞鶴遊天字太佻須帶嚴整如神鼎足立字太難須帶罷撇如天馬脫羈字太易須帶艱阻如

雁陣驚寒字太平須帶奇險如神鼇鼓浪  
字太奇須帶平穩如端人佩玉凡刻朱文  
須流利如春花舞風刻白文須沈凝如寒  
山積雪刻二三字以下須遒則如孤霞捧  
日五六字以上須稠疊如衆星麗天刻深  
須鬆如蜻蜓點水刻淺須實如蛺蝶穿花  
刻壯須有勢如長鯨飲海又須俊潔勿臃  
腫如綿裏藏針刻細須有情如士女步春  
又須雋爽勿離漸如高柳垂絲刻承接處  
須便捷如彈丸脫手刻點綴處須輕盈如  
落花著艸刻轉折處須圓活如鴻毛順風  
刻斷絕處須陸續如長虹竟天刻落手處  
須大膽如壯士舞劍刻收拾處須小心如  
美女拈針周公謹曰刻執政家印如鳳池  
添水雞樹落英將軍家印如猛獅弄毬烈  
風送雨卿佐家印如器列四璉樂成六律

學士家印如朝霞散彩奎璧騰輝內史家  
印如孤鳳朝陽五龍夾日御史家印如烟  
凝修竹蝶繞繡衣督學家印如藝海泛瀾  
文江翻浪法司家印如繡斧凝霜烏臺列  
柏牧民家印如曲圃鴻飛芳庭桂植經業  
家印如驂驪汗血蚌蛤藏珠隱士家印如  
泉石吐霞林花吸露文人人家印如屈注天  
潢倒流滄海游俠家印如吳鉤帶雪胡馬  
流星登臨家印如海鷗戲水天雞弄風豪  
士家印如百寶流蘇千絲鐵網貧士家印  
如三徑孤松五湖片月鑒賞家印如驅龍  
吐珠馮夷擊節好事家印如五陵裘馬千  
金少年僧道家印如雲中白鶴洞裏青羊  
妓女家印如春風蘭若秋水芙蓉袁三俊  
日用大指與食指中指撮定刀幹再將無  
名指小指抵在刀後中正其鋒運以腕力

勢若風帆陣馬所向  
無前神致自當生也

章法

布置成文

邊闌

闊狹單雙有無完爛

情意

正側俯仰左右照應

勢態

有威可畏則彊有儀可象則俏俏不在  
嫵娜而在雅觀彊不在猖狂而在雄健

格眼

橫豎分界亦有長短闊狹伸縮相讓皆  
相字疏密取巧若急就章歪斜不正則

已出格不拘  
寫意亦然

空地

白文中分無闊  
朱文上下須勻

疆理

格眼既分而字畫妄為  
疏密是有疆而無理

縱橫

經緯不紊巧發因心  
千變萬化歸一杼軸

朱白相間

古印有半朱半白者有朱白相間者一朱三白者一白三朱者二朱

相並二白相並者大都筆畫少者可用朱文以間之朱與白有左右兩列分者有上下兩截分者有斜角兩對分者其上下分者朱文又當用一隔以辨前後若在一邊則不必矣又有朱文相間卒至朱亦似白者此蓋欲其配正停勻故人認空地亦作字畫也務須安頓妥帖不致牽強穿鑿乃可

滿白滿紅

僭本然之勢加充滿之功不可盤曲臃腫令人可厭亦不可字畫闊

大致失

雅觀

鐵線

碧落文細盤鐵線宜爲玉章及牙章朱文強而似弱柔而實剛易于朱不易于

白難于圓不難于方銅則弗用

摹古

取古印可法者想像摹擬久之純熟自然毫髮無差張懷瓘云臨仿古帖毫髮精研

隨手變化得魚忘筌斯可與摹印者語矣

摹鑄印

朱文須得空地深平起處高峻意若白文又須悟得欵識文內如仰瓦相

似總貴渾成無刀跡也

摹陶印

如鑄印然要覺稍遜於鑄

摹鑿印

鑿須簡易而無瑣碎筆畫中間深闊兩頭淺狹遇轉折稍瘦似斷不斷儼

若鑿形



摹刻印

銅之運刀須熟玉之運刀須生餘詳後

摹畫印

筆重蛛絲刀輕蠶食中不得過深旁不得太利止見鋒不見芒但覺柔不

覺剛

摹碾印

碾之與刻雖似不及然不要露刀使人見為刻又不要徒似夫碾使人見

為拙

摹玉摹銅

以石摹玉易以石摹銅難蓋石與玉同性同則近似石與銅異質異

則相戾若以玉摹玉及寶石印以銅摹銅及金銀章要無拂其性與質耳

蓄譜

多蓄印譜以備參考以廣聞見

宣和印譜四卷

集古印格一卷

晁克

復齋印譜一卷

王厚之

印古式三卷

顏叔夏

集古印三卷

姜夔

古印式二卷

吾衍

印史二卷

趙子昂

印選五卷

胡養中

印苑

何巨源

蘇氏印畧四卷

蘇嚙民

印則二卷

程彥民

楠鴻館印選

吳貞孟

茵閣藏及印經印品

朱修能

刻符經

趙凡夫

名山堂印譜

葉羽遐

竹韻軒印正五卷

馮昭玉

印證一卷

吳實存

印林

吳疏九

懷古堂印稿

陸子鉉

印畧印鑒谷園印譜韞光樓印譜

許實夫

印藪印存初集四卷

胡曰從

印史六卷

何不違

青蓮館印譜

周仔曾

欵識錄印譜

黃子環

文雄堂印譜

周元功

賴古堂印譜

周滅齋

楊氏印集

楊爾應

印賞二卷

王曾麓

澄懷堂印譜

王聲振

研山堂印譜

鞠坤

集印

杜詩云讀書破萬卷下筆如有神篆刻者既蓄諸譜亦須多積印章秦玉漢銅親見其文雖破壞剝缺洞見血脈非如印于譜者塗有濃淡手有輕重紙有燥潤也

立品

神

奇正迭運錯綜變化如生龍活虎

妙

體備諸法斐然成文如萬花春谷燦爛奪目

能

集長去短自足專家如範金琢玉各成良器

逸

氣韻高舉丰致蹁躑如天仙下遊

工長短大小中規矩方圓之制

巧繁簡去存無懶散局促之失

奇輕重有法中之法屈伸有神

極煉之如精金在鎔不足色不止

去病

外道有刀鋒而似

庸工無刀鋒而似

篆病學無淵源

筆病不知執筆

刀病轉折峭露

章病專工乏趣

意病

心手相乖因便苟完

用法

印之平正者每印墊紙切不可厚大寸許者十餘層次之五六層最小者一二層足

矣

擇平正處印之若古印缺損者又須厚墊不可一槩論也紙須精細用畢當以新絮拭

之

他物不能去印文中垢膩或至磨損惟新絮能去且柔軟宜用之

畫款用印

凡印畫款一名一字為正如款字細小地位逼仄宜用小聯珠款各

印字款字印各姓不寫款

必當用姓各使人易知也

收藏用印

凡用收藏印章當看字畫大小以

姓氏小則堂名及姓或只用姓氏苟槩用

大印反占地位多矣亦有竟用姓名而無

收藏等字  
亦大不可

夫識篆則學有淵源審名則體別尊卑辨印則  
制分今古論材則物區質性分式則文知雅俗  
攷度則義參虛實定見則範合準繩筆法則動  
符規矩刀法則鋒悟中偏章法則氣貫脈絡摹  
古則形與神會蓄譜則心有證據集印則親炙  
古人立品則精益求精去病則有醇無疵用法  
則欵識攸宜印果如此足以增畫之妙何至反

爲畫累哉吾特因作畫者必用印而詳悉言之  
則攷繪事者亦可於此悟篆刻之道矣